

EUROHPA RÁÐÐI

MINISTTARKOMITEA

Ministtarkomitea ávžžuhusRecChL(2012)2

guovllu gielaide dahje vehádatgielaide guoski eurohpalaš vuođđogirjji heiveheamis Suomas

(man ministtarkomitea dohkkehii njukčamánu 14. beaivve 2012 ministariid sadjásažžaid 1137. čoahkkimis)

Ministtarkomitea, mii

guovllugielaide dahje vehádatgielaide guoskevaš eurohpalaš vuođđogirjji 16 artikla mielde

váldá vuhtii Suoma skábmamánu 9.beaivve 1994 vurken ratifiserengirjji,

vuhtii váldá guovllugielaide dahje vehádatgielaide guoskevaš eurohpalaš vuođđogirjji áššedovdikomitea árvvoštallama vuođđogirjji heiveheami Suomas,

doallá mielas, ahte dát árvvoštallan vuođđuduvvá Suoma njealját mearreáigásaš čilgehusas addin dieđuide, Suoma eiseválddiid addin dievasmahtti dieđuide, Suomas lágalaččat vuođđuduvvon servošiid ja servviid doaimmahan dieđuide sihke lassin áššedovdikomitea riikkagalledeami áigge ožžojuvvon dieđuide,

váldá vuhtii Suoma virgeopmahaččaid ovdan buktán kommeanttaid áššedovdikomitea čilgehusa sisdoalus,

ávžžuha, ahte Suoma virgeopmahaččat váldet vuhtii buot áššedovdikomitea fuopmášumiid ja ávžžuhusaid ja ovdasajjs

1. nannejit ainge sámegielat oahpahusa, erenoamážit ovddidemiin vuogádatlaš politihka ja guhkes áigge ruhtadanplána,
2. álget hoahpumus lági mielde doaimmaide suddjen ja ovddidan dihte ánáraš- ja nurtalašgiela, mat leat erenoamš áitatvuloš gielat, eandalitge ordnemiin bissovaččat doaibmi giellabesiid,
3. ollašuttet lassidoaimmaid sihkarastin dihte ruoŧa- ja sámegielat sosiála- ja dearvasvuođafuolahusabálvalusaid oažžunvejolašvuođa,
4. ovddidit ja ollašuttet innovatiivalaš strategijaid románaoahpaheaddjiid skuvlema dihte, viiddidit románagielat oahppamateriála buvttadeami ja lasihit románagielaide oahpahusa fálaldaga,
5. álget doaimmaide lasihan dihte diđolašvuođa Suoma guovlluguovdášaš ja vehádatgielain ja gierdilvuođa daid vuostá, ja buot skuvlendásiid oktasaš oahppaplánaid ja joavkomeidiid mielde.